



BOSNA I HERCEGOVINA
URED ZA RAZMATRANJE ŽALBI

БОСНА И ХЕРЦЕГОВИНА
КАНЦЕЛАРИЈА ЗА РАЗМАТРАЊЕ ЖАЛБИ

BOSNIA AND HERZEGOVINA
PROCUREMENT REVIEW BODY

Broj: JN2-01-07-1-270-20/22
Sarajevo, 24.08.2022. godine

KOREKT d.o.o. Sarajevo

71 000 Sarajevo

PREDMET: Odgovor, dostavlja se
VEZA: Vaš akt: 87- E-1/22 od 01.08.2022.godine

Poštovani,

Vežano za Vaš akt broj i datum gornji, obavještavamo Vas da je Vaš zahtjev dostavljen izvjestitelju predmeta, te da je isti u skladu sa zahtjevom uzet u razmatranje od strane ovog tijela.

Navedenim zahtjevom od ovog tijela zahtjevate podnošenje prekršajne prijave zbog postojanja dokaza da se u predmetu u kojem su donesena Rješenja broj: JN2-01-07-1-2980-8/20 od 19.11.2020.godine i broj: JN2-01-07-1-270-12/22 od 14.04.2022.godine dostavljeni dokazi koji su falsifikovani, pozivajući se na Pravila za pokretanje prekršajnih prijava po službenoj dužnosti Ureda za razmatranje žalbi.

S obzirom na navedeno, obavještavamo Vas da je URŽ navedena rješenja na koja se pozivate donijeo u skladu sa Zakonom o javnim nabavkama, i to članom 104. istog krećući se u granicama zahtjeva iz žalbe, a po službenoj dužnosti u odnosu na povrede opisane u članu 103.stav (1) ZJN.

Predmetni postupak javne nabavke kao i Ugovor o javnoj nabavci poništen je konačnim Rješenjem ovog tijela zbog utvrđenog nezakonitog postupanja Ugovornog organa prilikom provođenja radnji postupk, a što je jasno navedeno i obrazloženo Rješenjem broj: JN2-01-07-1-270-12/22 od 14.04.2022.godine.

Prilikom razmatranja žalbe žalioaca od strane URŽ-a u predmetnom postupku, te prilikom donošenja konačnog rješenja ovog organa od 14.04.2022. godine, stanje spisa predmeta nije ukazivalo da se u istom nalazi potencijalni falsifikovani dokumenti koji je od utjecaja

na kvalificiranost ponuđača, niti je navedeni dokument bio predmet žalbenih navoda žalioaca, a u konačnici nije bio ni od utjecaja na sam ishod postupka.

U prilog navedenom ukazuje i činjenica da je ovo tijelo Rješenje broj: JN2-01-07-1-270-12/22, koje je konačno i izvršno, donijelo dana 14.04.2022.godine, a Vi u vašem zahtjevu kao dokaz navodite akt Ministarstva prostornog uređenja, graditeljstva i državne imovine RH od dana 27.06.2022.godine. Dakle dokaz na kojem temeljite Vaš zahtjev evidentno je pribavljen nakon donošnja konačnog rješenja ovog organa, te samim tim isti nije ni mogao biti u spisu predmeta koji je okončan dana 14.04.2022. godine.

Članom 116. stav (1) ZJN propisano je kada URŽ podnosi prekršajnu prijavu, dok je stavom (7) istog člana propisano da URŽ rješavajući u postupku po žalbi, a na osnovu stanja u spisu, može podnijeti krivičnu prijavu.

S obzirom na sve navedeno i činjenicu da predmetni postupak kod ovog tijela okončan konačnim rješenjem od dana 14.04.2022. godine, zaključuje se da ovaj organ nema aktivan žalbeni postupak na dan podnošenja Vašeg zahtjeva, da bi cijenio stanje spisa predmeta u kontekstu Vašeg zahtjeva. Iz prednje navedenog dalje proizilazi da ovaj organ nema ni osnov, a niti je vaš akt od 27.06. 2022. godine mogao biti predmet razmatranja jer je postupak kako je navedeno okončan dana 14.04.2022. godine, te Vas obavještavamo da cijenimo da ne postoji osnov za udovoljavanje Vašem zahtjevu od strane ovog tijela, a što ne spriječava vas da obavjestite nadležne organe ukoliko imate saznanja o bilo kakvim nezakonitim aktivnostima u predmetnom postupku.

Dostavljeno:

- Naslovu
- A/a



PREDSJEDAVAJUĆI URŽ-a

Marko Kolobarić